

Kiala Vrolijk ta Rey di Dande di Hulanda



STA. CRUZ/Den Haag – Den un Odeon cu hopi ambiente Kiala Vrolijk a logra di bay cu e titulo di Rey di Dande di Hulanda. El'a ricibi su trofeo for di man di Minister Plenipotenciario sr. Edwin Abath. Na di dos lugar a keda Michelle

Thijsen y Elroy Blanken a termina na di tercer lugar di e Festival di Dande organiza pa Contacto Arubiano Rotterdam (CAR). Na inicio di e festival Minister Plenipotenciario sr. Edwin Abath a felicita CAR cu nan di 25

edicion di Festival di Dande na Hulanda. Sr. Abath a papia di un celebracion di nos cultura na Hulanda y a elogia cu esaki ta sosode den un manera ehemplar. E mandatario tabata tin palabra di aprecio pa tur e participantenan cu di e manera aki ta coopera pa mantene un tradicion Arubano aki na Hulanda y pesey nan tur ta un ganador ariba nan mes. E programa di Festival di Dande a conta tambe actuacion di Grupo di baile Nos Baranca for di Tilburg y Grupo Sabor Gaiteros.

Un biaha mas e Festival di Dande na Rotterdam tabata un anochi cu hopi ambiente.